

- 39 fé sjóðsins, annaðhvort til þóknunar handa söngflokki innan sveitar eða til styrktar söngnámi. Engum organleikara má greiða laun af fé sjóðsins, nema hann með vottorði gefnu og undirrituðu af organleikara í Reykjavíkurdómkirkju sanni, að hann sé fullhæfur til þess að gegna organleikarastarfi, og hafi auk þess til að bera nokkra þekkingu og kunnáttu í hljómfraði. Skyldur skal og organleikarinn til þess, að halda opinbera samsöngva að minnsta kosti þrisvar sinnum á ári og skal ágóði af einum þeirra ætíð ganga til sjóðsins, og leggst þá við höfuðstól hans.

7. gr.

Úthlutun úr sjóðnum skal fara fram 28. febrúar ár hvert. Annast hana þrír menn. Sóknarpresturinn í Vallaprestakalli og tveir menn aðrir, sem kjörnir eru af sveitarbúum. Skulu menn þessir kosnir til þriggja ára í senn, en að öðru leyti fer um kjörgengi þeirra og kosningu sem til hreppsnefndar væri.

Leita skal konunglegrar staðfestingar á skipulagsskrá þessari.

p. t. Völlum í Svarfaðardal, 11. júní 1926.

Tryggvi Kristinsson
frá Yztabæ.

- 40 Staðfesting konungs á skipulagsskrá fyrir „Minningarsjóð Jóhanns Jóns-
2. maí sonar frá Ytra-Hvarfi“, útgefin á venjulegan hátt ad mandatum af dómsmálaráðherra 2. maí 1934. Skipulagsskráin er þannig:

SKIPULAGSSKRÁ

fyrir Minningarsjóð Jóhanns Jónssonar frá Ytra-Hvarfi.

1. gr.

Sjóður þessi var stofnaður af Jóhanni Jónssyni, hreppstjóra á Ytra-Hvarfi, til verklegra framkvæmda í hreppnum með samskotum á þjóðhátíð, sem haldin var í Svarfaðardal árið 1874, að upphæð kr. 400.00 — fjögur hundruð krónur — sem nú eru kr. 1021.03. Hann skal heita: „Minningarsjóður Jóhanns Jónssonar frá Ytra-Hvarfi“, fæddur 31. október 1836, dáinn 4. maí 1901.

2. gr.

Sjóðurinn er eign Svarfaðardalshrepps og stjórnað af hreppsnefnd. Árlega ber að semja reikning sjóðsins og innfæra hann í gerðabók hreppsins jafnhliða sveitarsjóðsreikningi. Skal innstæða hans færð inn á eignaskýrslu hreppsins og sendast til sýslunefndar með sveitarsjóðsreikningi til endurskoðunar og úrskurðar.

3. gr.

Höfuðstól sjóðsins má aldrei skerða; ber hreppsnefndinni að ávaxta hann á tryggan og öruggan hátt. Allir vextir skulu lagðir við höfuðstólinn, sem og tillög úr sveitarsjóði, gjafir og áheit, sem honum kann að hlotnast, unz hann er orðinn 10000 — tíu þúsund — krónur. Eftir það leggst $\frac{1}{10}$ ársvaxta við höfuðstólinn, en $\frac{1}{10}$ þeirra falla til útborgunar.

40

2. maí

4. gr.

Þeim hluta vaxtanna, sem falla til útborgunar, skal varið til skógræktar í Svarfaðardalshreppi. Ber hreppsnefndinni að hlutast til um það, að til framkvæmda komi með skógræktina. Er það á hennar valdi hvernig fénu er varið, hvort það er veitt einstökum mönnum, félögum eða hreppurinn sjálfur framkvæmir skógrækt, allt eftir því, sem hún álitur gefi beztan árangur. Ætíð skal þess gætt að útborgunarféð sé ekki fyrirfram bundið þegar hreppsnefndarkosningar fara fram.

5. gr.

Leita skal konunglegrar staðfestingar á skipulagsskrá þessari.

Dalvík, 8. apríl 1933.

Í hreppsnefnd Svarfaðardalshrepps.

<i>Jóh. Jóhannesson.</i>	<i>Gestur Vilhjálmsson.</i>	<i>Jóh. Páll Jónsson.</i>
<i>Helgi Símonarson.</i>	<i>Óskar Kr. Júlíusson.</i>	<i>Þorsteinn Antonsson.</i>
	<i>Gamaliel Hjartarson.</i>	

Staðfesting konungs á skipulagsskrá fyrir „Styrktarsjóð Þórunnar ljósmóður Hjörleifsdóttur“, útgefin á venjulegan hátt, að mandatum af dómsmálaráðherra 2. maí 1934. Skipulagsskráin er þannig:

41

2. maí

SKIPULAGSSKRÁ

fyrir Styrktarsjóð Þórunnar ljósmóður Hjörleifsdóttur.

1. gr.

Sjóðurinn heitir Styrktarsjóður Þórunnar ljósmóður Hjörleifsdóttur. Stofnfé hans er 225,00 — tvö hundruð tuttugu og fimm — krónur, en er nú krónur 478,20. Fjárupphæð þessi var afhent Þórunni í samsæti, sem Svarfdælingar héldu henni haustið 1915, er hún hafði sagt af sér ljósmóðurstörfum.